

王向榮編著

論語二十講上
篇

上海中華書局印行

敘

余擔任本科講席，始於二十二年之秋季，每當講授伊始，必揭出（一）孔子之自強不息精神；如學不厭，誨不倦，及忘食，忘憂，忘年等事；（二）實用主義，如論語二十篇，無論言學，言治，總之不離改善人生等事；（三）樂觀態度，如處貧而不改其樂，遇變而不失其常等事；使諸生對於孔子之生平，得有相當之認識。其間遇有世事之繁頤，學生之行習，與經義相觸發者，則必爲之竭力發揮，藉達窮經致用之旨。聽吾言者，亦多能感發興起，藉以糾正其錯誤之人生觀。日往月來，不覺已三易星霜矣！

至於講義之組織，三年之間，凡三易學級，而講義亦疊加修訂。初稿則粗定體例，草創規模，而引書則尙欠一致也。再稿則引書一致矣，而註釋則猶嫌缺略也。三稿則於昔賢註釋，無論遠古近代，凡可以供文義之引申者，則必酌予採錄。計前後凡三經審核，而此講義之組織，始底於成。

回思三年前，初授此科時，選用教本，本擬採通行之朱子集註爲讀本，而以自譯日本

教育學會之四書研究爲副本，繼而以宋儒講說，多有空演義理之嫌；譯本四書研究，乃東邦學者爲研究此科，創開新例，優點誠不爲少，而其間武斷疎漏之處，亦所在多有。因思前譯四書研究，其緒論有曰：「完全四書研究，必以文學研究與思想研究相輔爲歸。」彼之四書研究，分門別類，是著重思想系統者也。思想系統外，若再加以文學之組織，則彼所認爲完全研究而未曾一見者也。用是不揣棉薄，自製適用講義之動機以起。當即草定體例，廣搜用書；於二十二年秋，院部開校後，著手組織，以爲講授之用。其大體則每講先「經文」，便諷誦也。次「篇義」，「絜要領也」。次「章旨」，「窮義諦也」。次「通論」，「明系統也」。又次「文法檢討」，「助長文學之興味也」。此卽區區之意，欲使文學研究與思想研究相輔而行者也。至每講之後，殿以習題，則又供予教學雙方研究之利便也。此種組織，踵人家所謂完全步驟，容有未備；而余之悴力於此者，則固已羽譙譙而尾脩脩矣。

余因之有感焉！前當試譯四書研究一書時，正值華北抗日緊張期間，學校放假，各校師生，近者旋里，遠者則暫避安全地帶。余於彼時日機軋軋飛翔津市空中，蟄伏學校，埋首試譯，不一月而成功二十萬言；未成之數，乃於復課後續續完業。彼時遂譯目的，意使國人

鑒於東邦學者研究漢學之熱忱，因以勃發闡揚國學之宏願；區區愚忱，旨在斯耳。今者光陰荏苒，轉瞬已是三年。國人戮力學術之成績，未審實際達於何等飽和點；而國難嚴重，則視彼時四省之淪亡，浸假而漸及華北六省。封豕長蛇，且有自東徂西，自北徂南，震撼全國之虞矣！此豈彼時操觚意想所及者乎？然而全國上下果皆不苟安，而以孔子自強不息之精神治學治事，不騁空談，不落消極，而以孔子之實用主義與樂觀態度，藉以改善其素行而恢宏其遠略；眇眇禹甸，固不難轉危爲安，由隳隤而奠定如磐石也。此則余於愴感之餘，而又抱有無窮之厚望也！夫是爲敍。

中華民國二十四年十二月

王向榮識於河北省立女子師範學院

孔子事略

附年譜

查史記孔子世家略稱：孔子名丘，字仲尼，其先宋人。父叔梁紇，母顏氏。以襄公二十二

年庚戌之歲十一月庚子，生孔子於魯昌平鄉陬邑。爲兒嬉戲，常陳俎豆，設禮容。及長，爲委

吏，料量平。委吏，本作季氏史「素隱」云，一作「爲司職吏，畜蕃息。」職見「周禮」，「牛人」讀爲「織義」，與「棧」同，蓋繫養犧牲之所，此官

即「孟子」所謂乘田。適周，問禮於老子。既反，而弟子益進。昭公二十五年甲申，孔子年三十五，而昭公

奔齊。魯亂，於是適齊，爲高昭子家臣，以通乎景公。有開昭問政二事。公欲封以尼谿之田，晏嬰不可，

公惑之。有季孟吾老之語。孔子遂行，反乎魯。定公元年壬辰，孔子年四十三，而季氏強僭，其臣楊虎

作亂專政，故孔子不仕，而退修詩書禮樂，弟子彌衆。九年庚子，孔子年五十一，公山不狃以

費畔季氏，召孔子欲往，而卒不行。有答子路東周語。定公以孔子爲中都宰，一年，四方則之，遂爲司

空，又爲大司寇。十年辛丑，相定公會齊侯于夾谷，齊人歸魯侵地。十二年癸卯，使仲由爲季

氏宰，墮三都，收其甲兵。孟氏不肯墮成，圍之，不克。十四年乙巳，孔子年五十六，攝行相事，誅

少正卯，與聞國政。三月，魯國大治。齊人歸女樂以沮之。季桓子受之，郊又不致，膳俎於大夫，

孔子行。「魯世家」以此以上皆為十二年事。適衛，主於子路妻兄顏濁鄒家。「孟子」作適陳，過匡，匡人以為陽

虎而拘之。有顏淵後及文王既沒之語。既解，還衛，主蘧伯玉家，見南子。有矢子路及未去適宋，司馬桓魋見好德之語。

欲殺之。有天生德語及微服過宋事。又去適陳，主司城貞子家，居三歲，而反于衛。靈公不能用。有三年有成之語。

晉趙氏家臣佛肸以中牟畔，召孔子。孔子欲往，亦不果。有答子路堅白語。將西見趙簡子，至

河而反，又主蘧伯玉家。靈公問陳，不對而行，復如陳。據「論語」則絕糧當在此時。季桓子卒，遺言謂康子

必召孔子，其臣止之。康子乃召冉求。「史記」以「論語」歸與之歎為在此時。又以孟子所記歎詞為主。司城貞子時語疑不然。蓋「語」「孟」所記本

皆此一語，而孔子如蔡及葉，有葉公問答，子路不對，沮溺耦耕，荷蓀丈人等事。「史記」云所記有異同耳。於是楚昭王使人聘孔子，孔子將往拜禮，而陳蔡大夫發徒

圍之。故孔子絕糧於陳，蔡之間，有愠見及告子貢一貫之語。按是時陳蔡臣服於楚，昭王將楚若楚王來聘孔子，陳蔡大夫安敢圍之。且據「論語」絕糧當在去衛如陳之時。

以書社地封孔子，令尹子西不可，乃止。「史記」云書社地七百里，又反乎衛，時靈公已卒，衛

君輒欲得孔子為政。則有魯衛兄弟及答子貢無此理時有接輿之歌。而冉求為季氏將，與齊戰有功，康子乃召孔子，

而孔子歸魯。實哀公之十一年丁巳，而孔子年六十八矣。有對哀公及康子語。然魯終不能用孔子，孔

子亦不求仕，乃序書傳禮記，有杞宋損益刪詩正樂，有語大師及序易象繫象說卦文言，有

我數年弟子蓋三千焉，身通六藝者七十二人。弟子顏回最賢，蚤死，後十四年庚申，魯西狩

獲麟。有莫我知之歎。孔子作春秋。有知我罪我等語。論語。明年辛酉，子路死於衛。十六年壬戌，四

月己丑，孔子卒，年七十三。葬魯城北泗上。弟子皆服心喪三年而去。惟子貢廬於冢上，凡六

年。孔子生鯉，字伯魚，先卒。伯魚生伋，字子思，作中庸。子思學於曾子，而孟子受業子思之門人。

附年譜

周靈王二十一年。	孔子生。	
西曆紀元前五五一。	孔子八歲。	吳季札使諸侯，歷交魯叔孫穆子，齊晏平仲，鄭子產，衛蘧瑗，史狗，史鱗，公子荆，公叔發，公子朝，晉趙文子，韓宣子，魏獻子，叔向諸人，明年，鄭使子產為政，國大治。
周景王元年。	為兒嬉戲，常陳俎豆，設禮容。	
西曆紀元前五四四。	容。	
魯襄公二十九年。	容。	

周景王八年。

西曆紀元前五三七。

魯昭公十五年。

周景王二十年。

西曆紀元前五二五。

魯昭公十七年。

周敬王二年。

西曆紀元前五一八。

魯昭公二十四年。

周敬王三年。

西曆紀元前五一七。

魯昭公二十五年。

孔子十五歲。

有志於學。

孔子二十七歲。

鄒子至魯，孔子見之，學古

官制焉。其為委吏乘田皆

在前。

孔子三十四歲。

魯孟僖子卒，囑其二子學

禮於孔子。

孔子三十五歲。

適齊，後返魯，不仕而教授，

弟子益進。

後三年，子產卒。

魯昭公欲誅季氏，三桓氏攻公，公出居鄆，魯亂，孔子適齊，魯昭公在外七年，季氏為政，以理度之，孔子

齊景公三十一年。

周敬王十五年。

西曆紀元前五〇五。

魯定公五年。

周敬王十八年。

西曆紀元前五〇二。

魯定公八年。

周敬王二十年。

西曆紀元前五〇〇。

魯定公十年。

孔子四十七歲。

孔子五十歲。

孔子五十二歲。

其時爲魯司寇，魯定公與齊會夾谷。孔子相，齊人來

於其時，當不歸魯，今孔子去齊歸魯之歲，均不可考。周敬王十年，定公立。孔子或其時歸魯，然亦無確證，僅得闕疑。

魯陽虎執季桓子，與盟，釋之。

魯陽虎欲伐三桓，三桓攻陽虎，虎奔陽關。明年陽虎去魯奔齊，孔子乃見用。

齊晏平仲卒。

齊景公四十八年。

周敬王二十二年。

西曆紀元前四九八。

魯定公十二年。

周敬王二十三年。

西曆紀元前四九七。

魯定公十三年。

衛靈公三十八年。

周敬王二十五年。

西曆紀元前四九五。

魯定公十五年。

衛靈公四十年。

歸汶陽田。

孔子五十四歲。

見信於季孫，三月不違。墮

郈，費，將墮成，弗克。

孔子五十五歲。

孔子不得志於魯，春郊，膳

肉不至。孔子去魯適衛。

孔子五十七歲。

去衛。

世家孔子以魯定公卒之歲去衛，則在是年也。此後過宋畏匡，年歲不可確指。

周敬王二十八年。

西曆紀元前四九二。

魯哀公二年。

陳湣公十年。

周敬王三十一年。

西曆紀元前四八九。

魯哀公六年。

陳湣公十三年。

楚昭王二十七年。

衛出公四年。

周景王三十六年。

西曆紀元前四八四。

孔子六十歲。

在陳。

孔子六十三歲。

自陳如蔡，被兵絕糧。在蔡

見葉公，遂返衛。

據左傳哀公三年，孔子在陳聞魯

火災，知孔子是年在陳也。其到陳

年歲，則不可確指矣。

吳伐陳，楚救陳，孔子絕糧在其時，

不久即去。據世家孔子即以是年

返衛，年表孔子返衛，在哀公十年，

恐不足據。

孔子六十八歲。

魯人以幣召孔子。孔子返

魯哀公十一年。

魯，孔子之去魯，至是十四年矣。

周敬王三十九年。

孔子七十一歲。

是年顏回卒，齊亂，宰予死之。明年

西曆紀元前四八一。

齊陳恆弑其君簡公，孔子

衛亂，仲由死之。

魯哀公十四年。

請魯公討之，弗聽。

周敬王四十一年。

孔子七十三歲。

西曆紀元前四七九。

夏四月己丑，孔子卒。

魯哀公十六年。

論語二十講目次

敘

凡例

孔子事略

上編

學而第一

爲政第二

八佾第三

里仁第四

公治第五

雍也第六

.....一

.....二七

.....五七

.....九一

.....一一三

.....一四三

述而第七……………一七七

泰伯第八……………一一三

子罕第九……………一四一

鄉黨第十……………二七五

下編

先進第十一……………一

顏淵第十二……………三五

子路第十三……………六五

憲問第十四……………九七

衛靈第十五……………一四一

季氏第十六……………一七七

陽貨第十七……………一〇五

微子第十八……………二三七

子張第十九……………一五九

堯曰第二十……………一八三

附錄……………一九九

論語二十講

上編

第一講 學而篇

〔經文〕 本篇凡十六章（一）子曰：學而時習之，不亦說乎！（節）說，悅同。有朋自遠方來，不亦樂乎！（節）樂音

洛人不知而不愠，不亦君子乎！（節）愠，紆問反。（二）有子曰：其爲人也孝弟，而好犯上者鮮矣。不好犯上，而好作

亂者，未之有也！（節）弟，皆去聲。鮮，上聲。下同。君子務本，本立而道生。孝弟也者，其爲仁之本與！（節）與，平聲。（三）子曰：巧言

令色，鮮矣仁！（四）曾子曰：吾日三省吾身：爲人謀而不忠乎？與朋友交而不信乎？傳不習乎？（節）省，悉井反。爲，去聲。傳，

平（五）子曰：道千乘之國，敬事而信，節用而愛人，使民以時。（節）道，乘，皆去聲。（六）子曰：弟子入則孝，出則弟，謹

而信，汎愛衆，而親仁。行有餘力，則以學文。（節）弟子之弟，上聲。則弟之弟，去聲。（七）子夏曰：賢賢易色，事父母能竭其力，事

君能致其身，與朋友交，言而有信。雖曰未學，吾必謂之學矣！（八）子曰：君子不重，則不威；學則不固。（節）

主忠信；（節）無友不如己者；（節）過則勿憚改。（九）曾子曰：慎終追遠，民德歸厚矣。（一〇）子禽問於子貢